

世緯魏氏市濟所戶商

學王明上家

分秋市沈馬林

音商陳王林

周張廷王馬中志

日茂

永樂大典卷之一萬二千十四

二十有

有

無所有菩薩經二

爾時世尊。即便微笑。有金色光從佛口出。上至梵世。徧照三千大千世界。繞佛三匝。還從頂入。爾時眾中有一菩薩名曰不染。從座而起。整理衣服。徧袒右邊。右膝著地。合掌向佛。白言。世尊。以何因緣。令現微笑。諸佛如來。若微笑者。非無因緣。惟願解說。令眾歡喜。爾時佛告不染菩薩。善男子。是難調。怨讐。殺害人者。於未來世。過八十九百十阿僧祇劫。已後當得作佛。號曰利上功德。如來阿羅訶三藐三佛陀。當出於世。明行足。善逝。世間解。無上士。調御丈夫。天人師。佛。世尊。善男子。而此難調惡心。怨讐。前害人者。於此命終。已後當生兜率天上。彌勒菩薩所隨。彼住壽彌勒菩薩當下生時。彼於爾時。作大長者。財福無量。一切果報。悉皆闡現。即於二十晝夜。供養彌勒世尊。及聲聞眾。彼見彌勒世尊。佛利莊嚴之事。即生願求。為欲成就莊嚴佛刹故。與諸眷屬。詣彼彌勒如來世尊。及聲聞眾。前後圍繞。以諸供養。一切樂具。三月奉獻恭敬。尊重承事供養。即以素衣。長八十肘。用畫

彌勒如來形像。及彼佛刹莊嚴之相。既圖畫已。奉彼彌勒如來世尊。即發
 願言。藉此功德。願我當得如是佛刹莊嚴之事。亦如今者。彌勒世尊。阿羅
 訶。三藐三佛陀。所有具足莊嚴之相。願我佛刹諸聲聞眾。習慧具足。願我
 佛刹諸菩薩等。無量智慧皆悉具足。作是願已。以金銀華。散於彌勒如來
 世尊。復作是言。我等當作如是精進。亦當成就如是佛刹莊嚴之事。如昔
 釋迦牟尼世尊。釋迦勝王為我示現光明顯照。而於彼時成熟無量多數
 眾生。於菩提中。亦如彌勒如來世尊多菩薩眾。彼刹上功德如來。於初會
 時菩薩無量於授記中。皆悉得志。於第二會諸菩薩眾。復倍無量。於第三
 會復倍無量。如是方便。彼刹上功德如來。阿羅訶三藐三佛陀。當有如是
 諸菩薩眾。而彼刹上功德如來。示教利喜諸菩薩眾。今行誓願得初心已
 皆令成就於一切智。乃至菩提。善男子。此難調。怨讐先害人者。值彌勒佛
 出世已後。一切生處。壽命無量。唯除一主補處。時中壽二十歲。而於彼處
 於一日中。自身具受一切惡業。無量苦惱。從是已後。乃至菩提當更修習
 覺菩提已。壽命無量。佛滅度後。正法住世。於無量時。無有惡世。如我今日。
 詭惡眾生。有惡口者。無智慧者。難入道者。魔所持者。我今於中說法教化
 此等眾生。難解難入。此善男子。無有如是諸患難事。善男子。彼佛刹中。無

有諸魔及事魔者。所有利根通敏。衆生皆集於彼。是故彼佛利上功德如來。說法少用功力。而得開解。爾時衆中有菩薩名無障淨月。即從座起。整理衣襟。右膝著地。合掌向佛。欲自決疑。及為此衆。今斷疑故。即以偈頌問世尊曰。我問世間燈。智聚無疑者。爲欲自斷疑。及於此衆故。何緣此衆見。然今利根者。於先殺害人。復得記菩提。大龍願爲說。彼往昔行業。既爲億數劫。常作惡趣地。多劫數積聚。爲癡盲覆故。於多百億劫。常受多種苦。派轉生死中。地獄火熾然。大呼阿吡支。觀彼業如是。復倍生死中。受惡毒蛇身。見即能殺害。多百億生死。受多種苦已。多百億數劫。得生人道中。復作殺害人。今得見世尊。即生於利根。連斷諸煩惱。發意向菩提。蒙佛爲授記。於阿僧祇劫。當成世間燈。名利上功德。彼往昔之事。人上爲解說。如是作業事。苦惡之果報。以是億數劫。已受多種苦。若所有善業。教師亦爲說。昔所行諸行。惡業與不善。世燈悉照知。惟願爲我說。斷疑大丈夫。爲我及衆生。及與未來等。能聞此教者。若有懷疑惑。於此法有疑。教師今爲斷。現在兩足尊。攝受衆生故。於是善男子。如此往昔行。大名稱願說。爾時佛告。無障淨月菩薩言。善哉善哉。善男子。汝今欲爲一切大衆。斷除疑故。能問如來如是之義。汝善男子。諦聽諦聽。善思念之。當爲汝說。彼善男子。如

彼往昔所作諸業。如此多數。經於百千那由他劫。受諸苦惱。汝等聞已。當信如來。勿生恐怖。一向奉持。如教而說。爾時無障淨月菩薩。而白佛言。推願世尊。為我解說。佛言。善男子。我念往昔。然燈如來。阿羅訶三藐三佛陀。滅度之後。過九十億那由他劫。有佛出世。名曰法意喜王。如來應供。正偏知。明行足。乃至佛世尊。彼佛壽命六十八十歲。初會聲聞眾有六十二俱致。百千菩薩摩訶薩。其數復倍。彼佛世界。名曰梵王。劫名淨意。彼法意喜王如來。生於彼劫。名清淨意。彼劫常有如來出世。及諸菩薩。是故彼劫名清淨意。善男子。於彼法意喜王如來。住世劫中。此難調惡弊善男子。爾時為王名曰降怨。請彼如來。及比丘僧。諸菩薩眾。以一切樂具。三月供養。於彼如來。從其聞法。發阿耨多羅三藐三菩提心。彼檀善根。復得值遇十千諸佛。於一切處。常修梵行。常得多聞。發勤精進。得四禪定。由此善根。復值如來。名金剛誡光。於彼佛所。出家修道。行於梵行。發勤精進。行頭陀法。常在蘭若空閑之處。誦修多羅。滿十千部。皆是大乘。亦得四禪。及五神通。四無色定。善男子。彼金剛誡如來。阿羅訶三藐三佛陀。有十俱胝諸比丘眾。皆阿羅漢。復有八十四俱胝。致那由他百千諸菩薩眾。常隨世尊。皆得等忍。及陀羅尼。轉不退輪。善解深法。已入無邊陀羅尼門。已能巧入。

無邊法界海印三昧。遊戲神通。心得決定。顯現諸佛。住持身體。於諸衆生。
常行慈悲。善男子。爾時彼佛菩薩衆中。有一菩薩。比丘上首法師。名利益。
上。善說法義。示教利喜。令諸菩薩。得不思議具足功德。為彼世尊。而作侍
者。恒隨遊止。猶如今日阿難比丘。皆能受持。諸修多羅。善男子。如是彼利
益上菩薩。於自在王如來。所說那由他百千修多羅。悉能受持。能為彼諸
那由他等百千菩薩。解說其義。善男子。爾時自在王如來。阿羅訶三藐三
佛陀。於二萬歲。為諸菩薩。諸聲聞衆。及諸衆生。說法教化。滿二萬歲。然後
乃於一切菩薩。及比丘衆。諸天魔梵。沙門婆羅門等。大衆之中。告彼利益
上菩薩言。善男子。汝當受持。此不思議那由他等百千俱致所修阿耨多
羅三藐三菩提法。於後末世。為諸天人。增長善根。護持此法。光顯如來。菩
提教法。念久住故。受持解說。善男子。是夜過半。諸佛如來。當般涅槃。爾時
彼利益上菩薩。聞佛涅槃。悲泣兩淚。從座而起。整理衣服。偏袒右邊。右膝
著地。合掌向佛。而說偈言。願兩足尊。住一劫。利益世間天人等。我今
勸請世間眼。願說妙法。以教示深智無惱之導師。勝行住於諸功德。普眼
調伏天人者。大神通尊。願久住。若聞導師入涅槃。諸天人等。心憂惱。導師
願慰彼等。故惟願住世。見教示。我及百千諸衆生。衆苦逼切。主憂惱。皆由

導師唱滅度。世親今欲入涅槃。能調於人調御者。惟願普眼尊久住利益。世間天人故。我今勸請佛世尊。爾時世尊為欲利益諸天人。以偈報彼利益。上菩薩言。我已為世作利益。說如是等諸法。教我已充滿諸菩薩。今住諸佛無漏中。即於此夜後分時。我當入於般涅槃。我今付汝此法教。世尊滅後。今久住彼眾間。作是語已。彼諸菩薩皆合掌。咸共瞻仰。彼如來悲泣兩淚。作是言。惟願兩足尊慰喻我。及百千眾主等。尊滅度後。誰作佛世尊於諸世間上。哀愍輒語而告言。慰喻世間天人等。我滅比丘莫懷怖。我後復當佛出世。有菩薩名功德分。修行得至無漏。智於未來世當作佛。名曰智鍊。兩足尊我今勸請汝。當知為欲攝持此法故。如此法教廣聞顯。為於世間天人等。聞於世尊如是說。即時安慰復發言。大神通力此甚難。無攝受法攝受故。我為導師尊重故。我今攝受於正法。我當廣宣此法教。我當捨身及壽命。不護己身壽命等。乃可守護如來法。若不愛己身者。彼即能護教師法。善男子。爾時彼佛慰喻彼諸一切大眾。令歡喜已。說法教誨與威力。已於夜後分入於涅槃。善男子。彼時世尊入涅槃後。彼菩薩說。滿足八十千數法門。如是隨順成就眾主。多耶。由他百千眾主當得成熟於阿耨多羅三藐三菩提中。况復住於聲聞乘者。辟支佛乘者。况復

流轉於生死中。種善根者。善男子。彼佛如來般涅槃後。正法滅已。於後法
中。多有比丘。說有可得。說有可滅。彼等於是諸修多羅。不樂受持。復生難
踐。善男子。於彼時中。此闍浮提有一人。王名勇健力。果報廣大。爾時彼刹
藍上菩薩比丘。至彼王所。而說佛法。說於如來秘密之教。彼王聞已。即於
上利益比丘。生敬重心。即發阿耨多羅三藐三菩提心。供養比丘。而彼比
丘。欲教化彼諸衆生。故於一切處。受諸供養。不生厭悔。不生倦心。彼王供
養彼比丘。已滿足三月。及於八萬四千婁女。各自莊嚴。持諸香華。及諸音
樂。衆寶瓔珞。塗香衣服。如是等事。供養比丘。及彼比丘。所有門徒八十五
百。常相隨順。一切皆得不退轉於阿耨多羅三藐三菩提。善男子。於彼之
時。難調怨讐。殺害人者。而為比丘。名曰寂定威儀。善說法要。多聞總持。滿
足十千修多羅等。誦持通利。能廣分別。諸修多羅。常說少欲知足法義。而
彼比丘。已得四禪。復得五通。四無色定。而彼寂定威儀比丘。多有徒衆。其
數五百。共相隨逐。亦有如是威儀勝行。爾時寂定威儀比丘。見彼刹藍上
菩薩比丘。不喜不悅。主於惡心。發瞋恚意。現於惡色。在衆人前。說如是言。
如此比丘。何處有於菩提之行。何處有於諸佛之法。如是雜行於世間。行
威儀尚無況復。當有證於勝智。而彼衆人。一向惟信刹藍上菩薩比丘。無

能壞者。爾時寂定威儀比丘。復增瞋恨。轉更增上。從彼地方背面而去。我不復喜見是惡事。若比丘。行於邪見。令諸人衆。皆行顛倒。至蘭若處。欲入三昧。以有瞋恨。彼彼三昧不能順入。况復能定。彼有如是強力行故。所有禪定三摩拔提。及五神通一切皆失。彼以如是急慙心故。得大重病。爾時彼利蓋上菩薩比丘。作如是念。希有乃至如此比丘。主大不善瞋急。濁意我於今者。應生憐愍。為作利益。聞深法故。爾時利蓋上菩薩比丘。及五十菩薩諸眷屬衆。飛騰虚空。於彼住已。而說偈言。居家自性說菩提。欲無分別。無破壞。若覺此行演說者。彼覺菩提無上安。瞋行自性如菩提。世師智者已為說。若覺如是法行者。彼覺菩提二足上。惡癡示現菩提等菩提。愚癡無異性。此示現癡。以一行當覺菩提無上道。若有已說諸見行。及彼菩提勝上覺。於此二行中說者。見行不得於菩提。諸佛之法甚深妙。不以有得能知見。離於分別。有所依善巧智者。覺菩提若能捨離諸分別。及以持戒我慢見。依恃多聞。而自矜捨是等。已覺菩提學處。居家樂食飲。若聞此法不驚疑。信解導師所說法。能於一行廣演說。不用此教中出家。有所得見在闕處。於我想中常繫著。起念我當證菩提。所有勤念所演說。彼等皆是魔羅網。若知諸法如虚空。彼則無有於勤念。諸如來有如是法。諸

普眼等說一行煩惱菩提二無二。不得煩惱及菩提若不分別欲及瞋亦不分別於癡等捨離彼此於三者彼覺菩提諸導師若不住於有所得亦不有念及不動不起我想無依處彼覺菩提無上安若捨分別於分別論曲幻偶與嫉妬樂行頭陀戒福德彼覺菩提無量眼若聞此法無所捨於廣說時亦不疑彼當速成兩足尊世間無上智自在甚深諸法最妙勝不可思量寂無說若不開發我見者難覺於多俱致劫善男子爾時彼利益上菩薩比丘說此偈時於上空。六十六那由他諸天得無生法忍復有六十二千衆生發阿耨多羅三藐三菩提心爾時寂定威儀比丘聞是偈已無喜樂意心主熱惱徧身皆腫於是人所反生慈心思惟於此一慈心故餘皆瞋恨於彼時聞大地開裂彼現身墮阿鼻地獄住於彼中億那由他百千歲數受大極苦於彼命終即受生於見毒蛇中如是次第經於多億那由他等百千生中二惡處行大阿鼻獄天叫喚獄還復生彼見毒蛇中。以彼如是不善根故滿足經於六十二億那由他等百千劫數以彼往昔於上利益菩薩生一慈心以眼觀視以彼善根從彼處終得受人身由彼慈心有熏習故又復以彼見毒蛇母而於彼所起慈心故復聞如是深妙法故今得如是利智神通善男子於意云何彼時寂定威儀比丘豈

異人乎。今此難調。怨讐是也。此於往昔有是業障。善男子。於意云何。彼時利益上菩薩比丘者。莫作異見。我身是也。諸善男子。彼時有王勇健力者。今無所有。菩薩是也。諸善男子。此由往昔。於菩薩邊。主如是等。瞋恨心故。受如是等。難知可畏業障。惱患。諸善男子。以如是故。若有菩薩。當欲淨於諸業障者。於諸菩薩。恭敬尊重。如教師想。諸善男子。若當欲得不害自身。住善提者。應如是學。說此往昔出法品時。有九十二那由他等。百千衆主。得無生忍。三十六億那由他等。諸菩薩。得淨業障。爾時難調。怨讐。先害人者。聞佛授記。歡喜踴躍。飛住虛空。高七多羅樹。而說偈言。若欲住淨土。應如導師說。應信於諸佛。最上大神通。覺佛神通已。知無分別處。於世間無有。而難可得者。若聞無所有。所問經法者。能信能觸證。則供養諸佛。若學此經已。能除諸有想。得捨已作惡。當見諸導師。若學於此經。是則見諸佛。親侍諸如來。如此經廣說。此則是施度淨戒所依住。思辱及精進。智慧等本處。若無有所得。是處不說著。如世尊所說。覺如是調伏。若聞於此經。合諸義。示現種種供養。力盡無能報。不可數多劫。聞而無所見。若聞此經者。得到諸佛地。彼悟於愚癡。以破無明闇。以得一切空。由聞此經故。多種煩惱盡。少有未盡者。猶如於大海。取於一滴水。成熟衆主故。煩惱滴不

盡悲愍衆主故。不盡彼煩惱。不清淨佛利。不滿於一切。彼成衆主。彼彼處不滅。亦可彼滿時。如授記菩提。是故諸水。滴於瓶。中不盡。若一切開現。彼常有佛利。彼即當滿足。無有餘熏習。如是如是。處聞有如是。經能善解。說者諸功德具足。爾時彼難調。怨讐說此偈。已從空而下。住於佛前。頂禮佛足。合掌而住。爾時世尊。而歎彼言。善哉善哉。汝善男子。快說此偈。合於義理。無有虛妄。無有別異。如是如來神通威力。一切菩薩。於中當學。如是學已。得衆主空。爾時難調。怨讐善男子。如是思念。今者世尊。稱我善哉。我今稱慶。當以何事供養世尊。彼即聞於空中。聲曰。汝可以身供養世尊。即問空言云。何供養。復聞空聲。汝善男子。汝今宜可飛騰虛空。令此大衆。皆悉知見。住於虛空。說如是偈。所有諸慳著。皆由住自身。我已捨一切。今供養導師。爾時彼善男子。聞此偈已。主歡喜心。以佛神力。飛騰虛空。一多羅樹。而說此偈。即自捨身供養如來。於虛空中。自捨身。已有十數華。柔軟香潔。未曾見聞。光明香氣。滿一由旬。猶如日光。或經一時。或經半時。彼諸華等。繞佛三匝。而供養已。佛神力故。於虛空中。而成華蓋。而於彼中。說如是偈。我已捨自身。供養諸教師。我不知自身。亦不知世尊。彼於彼時。於一切處。不知身心。不知如來。不知衆主。不知住處。彼於彼時。涅槃平。

等亦無是念。我已得證於彼時中。有一化佛自然現身。而作是言。汝善男子。汝已成就佛剎種子。一切開現。於彼佛前合掌而住。心生歡喜。踊躍無量。禮敬彼佛。而作是言。我今禮佛。大神通已。令各種種。生善根已。還住涅槃平等法中。離罪福德。如是不住。近於善根。諸佛法中。彼能親近無所之短。勸請令住。於菩提中。復說偈言。衆生覺如是。當脫於大苦。生死大險道。所有苦衆生。彼亦不成就。所有言苦者。彼亦受彼苦。不覺此教故。說此偈已。默然而住。爾時無名菩薩。告彼善男子。言善男子。汝今已能行一切施。若持自身供養於佛。善男子。汝更不得言。言我自在。汝以此身已用施佛。善男子。譬如有人。施他財已。復不得言。還是我物。彼於彼財。不得自在。如是善男子。汝今以身已施於佛。汝今既作如是之言。我當來世當得作佛。得忍授記。善男子。汝於今者。更欲何作。彼聞此已。即生疑念。我今云何。我今云何。如是思念。彼時即復聞。無所有菩薩聲言。善男子。汝今莫作善男子。汝應還念諸佛神通。如汝信解。應如是報。彼向無名菩薩所問。聞此言聲。即生辯才。明見前來。無有身心。無言無說。無施無戒。無思無進。無智無禪。無斷無常。無聲聞。無菩薩。無發菩提心。無如來。無如來法。無涅槃。無涅槃聲。無有信者。無有所住。無有所取。無有所言。無有縛者。無有所聞。無

所聞者。無有所有。無所有者。無所承攬。無所承望。一切勝相。皆悉具足。教化衆生。開現具足。成就佛刹。與涅槃等。平等無二。無有名說。如無可說。亦不欲生。如無言中。如如是住。如是如如。亦無所行。彼於諸佛。大神通中。無復疑惑。爾時無名菩薩。讚彼善男子言。善哉善哉。善男子。汝今善住佛大神通。汝今如是辯才成就。辯說如是。彼即答言。善男子。我亦不住佛神通中。其佛神通。無能作者。一切諸法。真體無名。不可得故。彼無可入。無可出處。無可知處。如是信已。無有住處。其佛神通。無住處故。彼無有人能說名字。但無名中。我今問汝。莫生疲倦。其有智者。難可承事。彼即答言。善男子。汝今但問。我所知者。當為解釋。彼難調言。摩訶薩埵。汝今何故名為無名。彼即答言。我於是處。不得言說。亦如汝所名字示現。彼即答言。善哉善哉。汝善男子。汝今以度佛大神通。離於名字。彼無名言。善男子。於平等中。無法可離。無有可斷。無可建立。無去無來。無平等相。善男子。若一切法。彼平等者。無有別離。其平等處。亦無處所。云何斷離。若平等法。而別有者。乃可斷離。爾時衆中。有一菩薩。名不自在。而白佛言。世尊。何因何緣。是無所有菩薩。名為無所有。佛告彼言。善男子。汝應還問。是無所有菩薩。因緣。彼當報汝。爾時不自在菩薩摩訶薩。問無所有菩薩摩訶薩言。善男子。汝今

云何名無所有。彼即答言。善男子。我今不見自身。能為一切衆生作利安。故能問如來。如是等處。彼不自在菩薩問言。彼所問處。與身合耶。而不合耶。無所有言。我所問處。不與身合。彼復問言。善男子。汝今云何。不與身合。成就所問。無所有言。善男子。我以三處發問。如來何等為三。謂身口意。此等三處。我問如來。善男子。是身口意。無和合義。彼復問言。善男子。汝見何意。而不現身。彼即答言。我今示汝。當信我言。我為安樂諸衆生故。而不現身。彼善薩言。我以肉眼。故不能見。無所有言。以天眼看。彼言。天眼亦復不見。無所有言。以法眼看。彼善薩言。善男子。所有法行。彼亦不離於一切眼。於彼處中。無法可見。無所有言。汝云何問。彼復答言。彼處無有和合可問。善男子。我見如如。無所有言。善男子。於如如中。無有三眼。不自在言。汝云何見時。無所有默然而住。不自在言。善男子。於無能見一切法中。何故默住其於虛空。豈無容受。虛空悉能容受。諸法無所染著。所入無礙。於一切法。無有假借。彼處不著。應有解說。善男子。汝以何緣。默無有說。彼即答言。我今於彼。所有語言。能解釋處。皆不可得。我以此故。默而不答。然善男子。汝聽我說。以何因緣。名不自在。善男子。我念億劫已。曾知為諸衆生等。離無益語。為諸衆生。所作利益。柔軟土樂。皆悉美妙。歡喜踊躍。無有鹿渴。依

時利益。不生瞋恨。說如是言。無有衆生。怨恨於我。善男子。以是因緣。我得
無畏。善男子。一切衆生。無有所畏。所以者何。諸有語言。無有自在。善男子。
汝今觀是諸語言。法無有自在。我今所說此語言中。有成就者。彼於三界
所不容受。所有一切衆生。言說。若合若散。有益無益。若難不難。若念若起。
若為衆生。令淨煩惱。令捨煩惱。我見彼等。皆悲平等。若智若愚。皆得一名。
彼言善哉。善哉。善男子。如汝往昔。曾供諸佛。得是合實語言。解釋。善男子。
汝見何利。而不現身。彼即答言。汝今應當問於世尊。爾時無畏菩薩。而白
佛言。世尊。是無所有菩薩。見何等利。而不現身。佛告彼言。善男子。唯除我
身。於此三界。無有衆生。如是身相。與其等者。唯除神通。所化勝身。成就如
是業果。報故。勿令一切諸婦人見。必於此處。繫著亂意。不能聽法。不作諸
事。棄捨本夫。飲食無歡。染愛迷著。多受苦惱。是無所有見。如是等諸過患
故。而不現身。爾時無畏菩薩。及彼大眾。皆生疑惑。咸作是念。是無所有菩
薩。身相何如。而今世尊。作如是說。爾時衆中。有諸女人。一名解染。二名寶
璽。三名解華。四名寶華。五名普香。六名香自在。七名金華。八名作愛。九名
不染。十名善住意。十一名作光明。十二名甜味。十三名阿那羅樂耶。十四
名住持。十五名無垢。十六名海。十七名功德上。十八名無過失。十九名調

順二十名諸天供養。二十一名瓔珞。二十二名普照明。二十三名不背。二十四名善住持精進。二十五名善住。二十六名安樂。二十七名王。二十八名悲如是等類。二十八女與姊妹俱從座而起。脫身瓔珞。供養世尊。右膝著地。皆共合掌。而白佛言。世尊。所說無所有菩薩功德。如是願於我等求佛威神。得見其身成就。如是實業果報。莫以別身。而示我等。我今欲見菩薩實身。爾時佛告善女人等。汝今欲見無所有菩薩成就色身。今欲見耶。彼等答言。唯然。世尊。我等有疑。願為開解。佛言。諸女。汝等今者見彼身已。有何利益。汝今勿有還家之意。當捨眷屬。若見彼身。安住具足一切功德。彼諸女言。我等今者一切能捨。決定當見彼菩薩身。爾時世尊告彼菩薩。無所有言。汝無所有。此等諸女欲見汝身。彼言。世尊。已言許可。彼姊妹等示現我身。佛言。善男子。我已許之。多人意喜。欲見汝身。當有利益。得勝身心。得妙身心。得淨身心。若見汝身。即當決定於阿耨多羅三藐三菩提。得轉女身。成丈夫身。汝今已有。如是淨願。於多諸佛。以百千身。種諸善根。住是願中。於三界中。願我當得最勝佛身。所有衆生。見我身者。彼等決定住於菩提。所有女人。悉轉女身。若於我所種善根已。思惟如是甚深法已。得忍本性。願當入於真如法中。願當具足諸菩薩法。開現親近於諸佛法。彼